

Ar follentez euz va buez
Ha va direolamanchou
So caus eus ho tristidiguez
Ac eus oc'h oll souffrançon.
Jesus ! Jesus !

Grit d'in scuill eur mor zaelou
Var va buez-malheurus.

Gant ar goad eus ho corf divin
Me garfe quemesq va goad ;
Mæs eus ar c'hraç-se oun indin
Rac bet e zoud re ingrât.

Jesus ! Jesus !
Ah ! sellit a druez ouzin ;
Pardon, pardon, va Jesus !

Mil goech em eus ho trahisset
Evel an treitour Judas ;
Evel Per em eus ho nac'het,
A disanvet siouas !

Jesus ! Jesus !
Bezit truezus em andret :
Pardon, pardon, va Jesus !

Certen e vijen bet collet
Panaved an drugarez
Gant pehini oc'h eus souffret
Evidon-me pec'her quæz.

Bennos ! Bennos !
Va Jesus ! ra viot meulet
Er bed ac er Barados.
Evelse bezet græt.



Kemper, moullët e ti DE KERANGAL.

ANGONI JESUS ER JARDIN OLIVET


VAR TON : Gant ar goad scuill va Salver.

Ehars er Jardin Olivet
Antreomp varlec'h Jesus ;
Contemplomb Redemptor ar bed
En e angoni poanias :
E galon beuzet er glac'har,
E zaoulagad en daelou,
Eo pleguet betec an douar
Dindan poez or pec'hejou.

Pebeuz burzud a garantez !
Cetu Mestr bras an envou
Enem samet dre drugarez
A lousdoni or c'hrimou.
Pebeuz sam a boez varnezan
Ar pec'hejou tremenet,
Ar re a gommeter brema,
Ac ar re vo commettet !

Adalec ar pec'het quenta
Eus hon tad Adam guechall,
Betec ar pec'het diveza
Eus an diveza den fall,
Var e guein ho guelan berniet.
Pebeus sam a bec'hejou !
Goudeze bezit estonet,
Mar scuill quement a zaelou.

Pec'her, te ac'h eus er guisquet
Eus a lornez da grimou ;
En dro dezan ec'h eus scoulmet
Eur c'houris a bec'hejou.
Penaüs ec'h eus dishenvelet
Un Doue santel ha pur ?
Cetu ar froues milliguët
Eus da galon dinatur.



En eur stad quer vil, quen euzus,
E Dad en deus heug ounthan;
E zaoulagad carantezus
A zistro divarnezan;
Diaguent e vuya caret
A complezanç e galon,
Jesus brema so an objet
Eus e valediction.

Evit ma vije assuret
Eus an arret solanel,
En deus douguet en e enep
E tigaç dezan un æl;
En e zorn eur c'halir c'hoero,
Leun eus a ly or c'hrimou,
Ac en e voelet ar maro,
Froues trist or pec'hejou.

O velet ne voa mui-moyen.
Da douch e Dad coleret,
E teu da gaout e zisquibien,
Allas! ac ho c'haf cousquet.
Dilezet eo en abandon
Gant an dud a gant e Dad,
A nep-tu consolation:
Doue pebeus calonad!

Souden dioutho e pella,
Ac e commanç a nevez
Da hirvoudi ha da voela,
Gant ar spont ac an encrez.
Arauc an tourmanchou garo
So evithan preparet,
Circonstanç ebet anezou
Ne all echap d'e speret.

En amzer eus e bassion
E souffro, a dra certain,
Poanion bras, cals confusion,
Mæs an eil goude e ben.
Ama ho zant oll assambles
Evel bleizi arraget;
En eur mor a dristidiguez
E galon a so beuzet.

Enem velet a ra guerzet
Gant Judas, an treitour fall;
Gant Per memeus e zeo nac'het,
Dilezet gant ar re all.
Deja e sant ar scourgezou
O tispenn e gorf santel,
Ac ous ar groas he vemprou
Staguet gant tachou cruel.

Er gnel a guer bras tourmanchou
Ec'h antren en angoni;
Mæs ar pezh a gresq e boaniou
E zeo hon ingrateri:
Pa vël quement a souffrançou
Collet evit ar pec'her,
Ar goad eus e oll vemprou
Var an douar a ziver.

Deut da zestum ar beradou
Eus ar goad precius
A zirêt, evel pizennou,
Eus a gorf divin Jesus.
O consideri e anquen
Ac e c'hlac'har diremet,
Dre zaelou eur guir binigen.
Desquit goalc'hi ho pec'het.

Amen.

PEDEN DA JESUS

ER JARDIN OLIVET

VAR TON : *E tal ho croas, leun a anquen.*

O va Jesus! evidomp-ni
Beuzet en affliction,
Oc'h eus souffret un angoni
Din a bep compassion.

Jesus! Jesus!
Ni so caus eus ho melcon:
Pardon, pardon, va Jesus!